



## Universitätsbibliothek Paderborn

**De Honore, Dignis Vel Indignis, Jvste Vel Invste, Deo  
Semper Jvstissimo, Dato, Negato, Violato**

**Stengel, Georg**

**Ingolstadii, 1650**

§. 9. Temerarium iudicum quàm graue sit peccatum, & cur?

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

amaræ mentis vitio , neminem aspiciunt,  
quem non iudicent damnentque.

## §. IX.

*Temerarium iudicium quam graue sit pecca-  
tum, & cur?*

Putabit quis ea iudicia non esse magni momenti, cum intra cogitationem orta, intra cogitationem illico occidant ; aut certè si pertinaciùs harent, ultra cogitationes non progrediantur. Verum res secus euent. Siquidem & alterum sua priuant existimatione, & iudicantem obligant ad opinionem temerè iudicato restituendam, sumque retractandam ; quod cum & raro fiat, & difficile sit exequi, quia opinionem semel conceptam humani ingenij pertinacia non libenter mutat, fit ut is, qui ita iudicavit, iudicium suum ad iudicium & tribunal Dei secum , ex hac vita, plerumque auferat, cum periculo æternæ damnationis. Et, ne quis putet, Comitis quidem iudicium quod innocentem coniugem catenis oneratam, ad canes damnavit, grande quid patrasse; suum autē iudicium innoxium esse, neq; ad tam crudeles pœnas decernendas procedere, sciat, quicumque, apud se se , alterum cum temeritate iudicat mortaliter pecca-

Hilfe

visse ( quo pacto homines creberrimè iudicant ) illum, quantum in se est, non ad catenas, aut canes alterum, sed ad longè atrociora supplicia , nempe ad æternum carcerem, & æternos ignes damnare. Quid enim aliud facit, qui alterum iudicat lethale peccatum commisso, quam ut iudicet , eum æternis supplicijs dignum esse? & non ad Caucasum, sed ad rogum damnandum esse, caminumque ignis , qui numquam extinguetur ?

§. X.

*Temerarie indicantes Dei summi Iudicis iurisdictionem inuadere.*

Quod iudicium cùm ad solum Dei tribunal pertineat, cuius est scrutari corda & renes, & illuminare abscondita tenebrarum; consequens est, ut Dei iudicium usurpet, qui de corde, seu voluntate, & occultis alterius iudicat. Sicut ergo magnam Iudici sacerdotali, aut Ecclesiastico iniuriam irrogaret, qui, eo de tribunal suo deiecto, se ipsum, per vim ingereret, atque sedens in illo iudicaret; ita in vniuersalem viuorum & mortuorum Iudicem Christum iniurius est, qui fratrem, aut proximum suum iudicat gehenna dignum. Prima iusti iudicis conditio est, *Auctoritas q.4,a.6,* *Sot.lib.3, a. 6.*